

## **Hehe - Inofu-Imbi Uluhala Uwandike Uwelu - Good-Bad Mind Scriptures**

### **Inofu Uluhala Uwandike Uwelu - Good Mind Scriptures**

**Maliko 5:15 Ndawe vamubitilige Yesu, vakamulave umunyamasoka vakumuwona ateng'eme pala afwite imyenda ina luhala ulukwilaniche hela, umunu yeeina masoka molofu pamwandi neke wogope hilo.**

**Luka 8:35 Avanu vahumite vakalave uluwonike, swe vakumubitila Yesu, nu kumuwona umunu yula yegamuhumite amasoka, ateng'ime pamagulu ga Yesu, afwite imyenda ina luhala asikimee, vave na muhwehwe.**

**Ifipigo 17:11 Avanu va uko vevinatifu hilo ukulutila vala va ku Tesalonike. Iwo vanuche ulukani kwa uwupifu hilo, vagosige Uwandike Uwelu we kwache, sambi vilavile manyi va Pawulo na Sila vilongela mumwene.**

**Ifipigo 20:19 Mukulukagula Iwendamupigilige Umutwa kwa kwilevesa hilo, na kwa inzihosi na mung'ani inalamu sesafikite ukuhuma kwa Avayudaya.**

**AvaLumi 7:25 Ululumbo luvesage kwa Nguluvi, yeipigaga iso ukukola kulu Mutwa vetu Yesu Kilisito! Sweno, ulu Iwendiwali nene; mu luhala Iwangu ngulupigila ululagilo Iwa inzanangifu neke mu wunu wangu ngulupigila ululagilo Iwa inzanangifu.**

**AvaLumi 8:6 Amahosa ga umuvili giletaga ifwa, neke amahosa ga Umuhe giletaga uwumi na uwikalakunoga.**

**AvaLumi 8:27 Nave Nguluvi yeailava mugati munumbula sa avanu, akugakagula amahosa ga uyo Umuhe wegiwali; pakuva Umuhe akuvasukila avanu va Nguluvi uwimila mweayiwendela.**

**AvaLumi 11:34 "Yenani yahwana ukugakagula amahosa ga Umutwa? yenani yahwana ukumwiisa Nguluvi?**

**AvaLumi 12:2 Mulemwa ukwiga imigendele ja mung'i iyi, pesi ulwa mupitukage mugati mwenu ukwa amahosa genyu. Ipo pepene pe muhwana ukwinatila uwende wa Nguluvi, ulo Iwelulagila wunofu, ulukumunogela na ulukwilaniche.**

**AvaLumi 12:16 Muvelage na uwunofu wuwula kwa mbevali. Mulivahila uwuvina, pesi ulwa mwilevesage na mufidodo.**

**AvaLumi 14:5 Umunu uyumwi aitigila ikimunyi ikimwi kilutye kufiyafyo, na uyumwi itigila ifimunyi mbefili filing'ene. Yeyeavesaga munu ibatililage amahosa gakwe geinago.**

**AvaLumi 15:6 sambi nyenye mbemuli, kwa liswi limwi nu kulaganila kumwi mumupele indolo Nguluvi, Dada va Umutwa vetu Yesu Kilisito.**

**1 AvaKolindo 1:10 Vanyalukolo, nene nguvagongola hilo, mwitawa lya Umutwa vetu Yesu Kilisito: muvelage mulaganie kumwi mbemuli mwa mbesili semwilonga, kulemwage ukuva na ulwigawo kwa nyenye; muvelage na amahosa gamwi kangi mwilamulila kumwi mbemuli.**

**1 AvaKolindo 2:16 "Yenani yeahwanite alukagule uluhala Iwa Umutwa?**

**Yenani yeahwanite ukwigisa ulukani?" Neke hwehwe twina uluhala Iwa Kilisito.**

**2 AvaKolindo 7:7 Si kula hela ukusa kwakwe Tito, pesi kangi pakuva nyenye mukamusikimike. Umwene atulonje lula lwe mwidoboka ukumbona, na lwe muhuguve mwiwenda ukunanga mu nalamu. Ulukani ulo Iwelwileka ndihekelela ukulutila.**

**2 AvaKolindo 8:12 Pakuva wone umunu ina mutima gwa ukutanga, Nguluvi akwanukila chechekivesaga che uyungi ahwanite ukutawula: siaikanilila kila ikitawule. (1 Kolinka 28:9)**

**2 AvaKolindo 9:2 Ngulukagula lwe nyenye mwina inumbula iya ukutanga, na ngilumbite ukwimila nyenye mu lukani ulo pa vanu va ku Makedoniya. Ndavatige, "Vanyalukolo vetu va ku Akaya vakakwisise uluhuma umwaka ugulutye." Sweno, uwupifu wenyu wukavalamwise avanu wolofu hilo.**

**2 AvaKolindo 13:11 Pendisindilisa, vanyalukolo vangu nguvatigila twiwonaga! mukwilanikilage, mwinatilage hilo uwigisi wangu, mwilaganila kumwi, mwikalilage mu wikalakunoga. Na Nguluvi umunya uwende na uwikalakunoga ava pamwi na nyenye.**

**AvaEfeso 4:23 Mwipitulage wupya munumbula na mumahosa genyu.**

**AvaFilipi 2:2-5 Sweno, mukwilanisage uluhekelelo Iwangu pemwiva na amahosa gamwi, uwende wumwi, mutima gumwi na kuhosa lumwi. 3 Mulapiga kinu ukwimila imitima ja uwutavangu, nambi kwa ulwidudumbo Iwa malanga, muvelage na uwilevesi yinyenye kwa yinyenye, yeyeavesaga amulavage umuyagwe ukuta amulutye uwunu. 4 Palava na umunu yeak-wisakila ukwambula kwakwe hela iyena, pesi ukuta asakilage ukwambula na kwa avayagwe. 5 Muvelage na imimile gigila jealinajo Kilisito Yesu.**

**AvaFilipi 4:2,7 Eudiya na Sindike nguvagongola mwilamulage nda mwivanyalukolo mulu Mutwa. 7 Na uwikalakunoga wa Nguluvi uwulutye uluhala Iwa avanu mbevali wuvalolela imitima na uluhala Iwenyu mukuhanga na Kilisito Yesu. (Yesaya 26:3)**

**AvaKolosayi 3:12 Pakuva mwivanu vhagule, avelu na avende va Nguluvi vanyalusungu, vanyawudeke avilevesi, avalele, vanyalwikangaliso.**

**2 AvaTesalonike 2:2 Mulasomeng'aswa mumahosa genyu apangi ukuhuguvala wone munumbula nambi mu lukani nambi mu balula iyitigilwa yikahumise kwa hwehwe ukuta ikimunyi cha Umutwa kikafikite.**

**2 Timoti 1:7 Pakuva Umuhe yeatupelye Nguluvi siva muhwehwe, sindahihyo nda twapelitwe Umuhe va uludali, uwende na ichoga.**

**Tito 2:6 Lwindahihyo, uvasukanisage na avilambo nawo vavelage vasikimafu.**

**AvaEbulaniya 8:10 Na ulu Iwelufingano Iwangu Iwembika na vanu va Isilaeli ifilo ifikusa, ilonga Umutwa: Mbika indagilo sangu mu luhala Iwawo, nu kwandika mu numbula sawo. Nane mba Nguluvi vawo nawo vava vanu vangu.**

**1 Petulo 1:13 Lino, mwimage munoge, mwikale miho, muluvikage uluhuvi**

**Iwenyu mbeluli mu wuwuya wula wesamupelwa ulusika Iwa Yesu Kilisito pesaava awonike!**

**1 Petulo 5:2 Nene nguvasuka mukwamilage kila ikipinga cha Nguluvi che kili mu likanisa lyangu, mulilolele si kwa kukangalwa, pesi kwa ukuwenda kwenyu. Mupigage ikipigo icho si kwakwimila uwudobofu wa amagobole, pesi kwa chesa mutima.**

**2 Petulo 3:1 Vanyawiyendi vangu, iyi ye balula iya kavili yenguvandikila nyenye. Mu balula iso we sivili ngelite ndamuse amahosa genyu amanofu kwa ukuviwusa ing'ani isi.**

**Yakobo 1:17 Chechekivesaga ikipelwa ikinofu na chechekivesaga kipelwa ikikwilaniche kihumaga kuchanya; kihumaga kwa Dada, umugafi va uwenzelufu, umwene sипитуkagi, kangi mugaya nambi imimile jegivesaga ja ukupitukapituka. (Ayubu 23:13)**

**Uwugubulilwe wa Yohane 17:9 "Ipa pisigila uluhala na uwusugu! Sweno, imitwe igimufung'ati fye fidunda ifimufung'ati, na uyo umung'inetu yeakong'ome pachanya. Imitwe ijo kangi ve vatema avimufung'ati.**

### **Imbi Uluhala Uwandike Uwelu - Bad Mind Scriptures**

**Maliko 7:21 Pakuva mugati munumbula sa avanu, gagihuma amahosa amabi, uwugoni, uwuhiisi, uwuwulasi, (Esekyeli 38:10)**

**Luka 12:29 Nyenye mulifwahisa ukwhosa chemulya, nambi chemunywa mulahuguvala.**

**Ifipigo 12:20 Helode vamuvifise hilo avanu va ku Tilo na ku Sidoni. Neke avene vamusindiche avanu kulmwene valongane. Nawo vamususile Bulasito ave ulubali Iwawo. Bulasito yee muvina va ikaye ya Umutwa. Sweno, ndawe vamusukige Helode kuve na uwikalakunoga, pakuva ing'i yawo yeyihuvye ukutegula ichakulya ukuhuma mung'i iya Umutwa.**

**Ifipigo 14:2 Neke Avayudaya avangi avevabihye ukufuuwa swe visagasa liyowo muvanu avangi avamyanza sambi vavavipile iwo vanyalukolo na ukuvabesa.**

**AvaLumi 1:28 Pakuva avanu vabihye ukumukagula Nguluvi, Nguluvi avalesile mumahosa gawo amanangifu, vapige sila sesisihwaniti ukupigwa na avene.**

**AvaLumi 8:6,7 Amahosa ga umuvili giletaga ifwa, neke amahosa ga Umuhe giletaga uwumi na uwikalakunoga. 7 Pakuva yula yeatemilwe na amahosa ga umuvili uyo mutavangu va Nguluvi, siakwinatilagi indagilo sa Nguluvi na sahwana nambi ukusinatila.**

**AvaLumi 11:20 Ena gatotekilwe pakuva Iwagayite ulufuuwo, neke veve wimye mu lufuuwo Iwako. Neke ulwene ulivahila; wicomalilage.**

**2 AvaKolindo 10:5 tukwananga imbesa mbesili na ifya ulwidudumbo ifibesa uwukagusi wa Nguluvi; kangi twigalula amahosa mbegali gave na choga**

## **kwa Kilisito**

**2 AvaKolindo 11:3 Neke ngogopa ulwa, ndawe inzoka yila kwa uwubanga wayo uwa uwudesi yamusanzile Hawa, amahosa genyu gahwanite ukuyaswa, nu kuwuleka uwuhuvilwa wenyu uwa nachene kwa Kilisito.**

**AvaEfeso 2:3 Na kulino de hwehwe mbetuli twetwindawe vavene; twikalige we tukwiga uwudobokesi wetu wa mung'i nu kupiga sila hela isanogelige imivili nu luhala Iwetu. Kwa ulubali Iwa mung'i, hwehwe nahwe twindawe avene kangi, twetuvaje ililakaali iya Nguluvi.**

**AvaEfeso 4:17 Sweno, mwitawa iya Umutwa, nguvakenyela mulikala kangi ndawe avanu vesivamuseli Nguluvi, ve amahosa gawo gapufile, nu luhala Iwawo luli mulwisa.**

**AvaKolosayi 1:21 Pamwandi nyenye nanye mwepataali na Nguluvi mwe vatavangu vakwe pakuva amahosa na imigendele jenyu je myaafu. (Nzivililo 21:27; Eseyeli 23:17)**

**AvaKolosayi 2:18 Mulidikila ukusokamwa na umunu yeyeavesaga yeakwisakila uwuvina ukwimila amaloto na yeikangala uwilevesi wa uwudesi na ukuvasunyalila avanyivaha, umunu va ndahihyo apufile ayasiwe na amahosa ga uwudesi ga mung'i**

**1 AvaTesalonike 5:14 Vanyalukolo, tukuvagongola hilo muvakenyelage avanu avagata, muvatangage avanyamuhwehwe, muvatangage avanu avahomefu, muvelage mwivakangalisi kwa mbevali.**

**2 AvaTesalonike 2:2 Mulasomeng'aswa mumahosa genyu apangi ukuhuguvala wone munumbula nambi mu lukani nambi mu balula iyitigilwa yikahumise kwa hwehwe ukuta ikimuni cha Umutwa kikafikite.**

**1 Timoti 6:5 na ulubesa Iwesilwidugagi ukuhuma ku vanu ve uluhala Iwawo Iufuvangike na vala ve vagayite inachene. Avihosa ukuta ulufuuwo ye ng'asi ya ukwikwavila uwunono.**

**2 Timoti 3:8 Avanu iwo vakuyibesa inachene ndawe vala va Yane na Yambule Iwevamubesise Musa.**

**Tito 1:15 Mbefili fyesiwe kwa vala avanu avevesiwe; neke kisukuli chechesiwe kwa vala avaafu na vesivafuuvitwi, pakuva inziywuko na luluhala Iwawo Iwaafwike.**

**AvaEbulaniya 12:3 Mwihosage ulwa ing'ani sesamufikite yula, lula Iweakangalye ulubesa ulukomi kuvanu vanyanzanangifu. Sweno, mulatilivika imitima, nambi kufulugala.**

**Yakobo 1:7/8 Umunu yeindahihyo, yeisina pagati pa isilipavili na umugaya imimile mumigendele jakwe mbegili, alihuila ukuta saapelwa kinu chechekivesaga ukuhuma kulu Mutwa nangi.**